

Universitäts- und Landesbibliothek Tirol

Viam Regiam Lvsatiae Svperioris

Schwartz, Johann Friedrich

[Wittenberg], 1732

XVII

straßen umfahren, und die unser Geboth übertreten würden, der oder dieselben sollen unser beyderseits Fürstl. Schutzes in solchen Umfahren und Reisen verlustig seyn &c. &c.

XVII.

At enim vero erunt multi, qui iis quidem temporibus, quibus infestis latronum rapinis obnoxii fuerunt viatores, ab æquitate non plane alienum fuisse censeant, ut ad viam lege descriptam tenendam, vectigalque pendendum adstringerentur, securitate autem restituta iniquum esse atque injustum existiment, tam angustis limitibus coardari hominum in optanda, qua incedant, via voluntatem, cum tamen sæpius breviori, vel saltem commodiori, via ad locum destinatum venire possint. Hi autem si cogitarent, referendum esse & nostrum seculum improborum hominum copia, & summis imperantibus quotidie laborandum esse, ut res publica a malo, cui tam sero & difficulter mederi potuerunt maiores nostri, perpetuo tuta servetur, aliter certe judicarent. Id enim cum sine maximis sumptibus impendendis obtineri non possit, utilitas autem ex publica tranquillitate ad omnes, tum indigenas, tum externos, terras nostras transeuntes, spectet, non video, quo demum fundamento nitatur ridicula illorum opinio, qui iustissimas has exactiones principibus denegandas esse putant. Et hac de causa cum optimo quoque sentio, æquitati omnino convenire, & quemque naturali gentium jure obstrictum esse, ut aliquantulum conferat ad id, quod ad salutem omnium pertinere videtur, viæque, qua itur ad loca solvendis vectigalibus constituta, insistat. Quid? quod ea etiam de causa peregrinantibus injungi potest, ut viæ auctoritate publica designatæ insistant, ut sciatur, quinam ad nos veniant, & quid rerum in republica suscipiant. Imo & reipublicæ ratio sæpe non patitur, ut quilibet provincias, omniaque ejus loca, libere peragret, sed potius communis civium utilitas exigit, ut peregrinus recta simpliciue via progrediatur.